

Avenida Papa Juan Pablo II

Gobierno di Aruba a dicidi cu lo cambia e caya cu ta yama Rondweg den Dakota den e nomber Avenida Papa Juan Pablo II

E cambio di nomber a origina di un peticion di Parokia San Francisco na Gobierno pa duna e parke chikito dilanti Misa San Francisco e nomber Plaza Papa Juan Pablo II.

Despues cu Gobierno a tuma e decision pa cambia Rondweg pa Avenida Papa Juan Pablo II pas-toor Daniel Szpila di Parokia Birgen di Fatima na Dakota instala un comision "Inauguracion Avenida Papa Juan Pablo II" pa traha riba un celebracion p'e ocasion aki. Pasobra no ta tur dia un caya na Aruba ta haya nomber di un Beato tan stima pa henter mundo.

Como lider di proyecto a wordo instala sra. Chanin Boekhoudt y como secretaria Sharona Sapuana. E 2 personanan aki tambe lo lidera e comision di Finanza y Recaudacion di Fondo. Sra. Cime Texier y sra. Ida Croes lo lidera e comision Liturgia, sr. Marlon Sneek y sr. Jose Franken lo encabesa e comision habitantenan di Rondweg, sra. Noraida Carolina lo encabesa e comision di scolnan di Dakota, sr. Steve Netto lo traha den e comision material di promocion, e comision tecnico ta cay bao di sr. Sidney Tromp y sr. Jose Jabe.



Sr. Tito Sapuana lo traha den comision di Relacion Publico (PR). Sra. Vanessa Croes lo traha cu su comision riba e programa di dia 22 di october. E fecha cu a wordo estableci p'e inauguracion di e Avenida ta dialuna 22 october 2012.

Esaki t'e fecha cu a Vaticano a apunta como dia di Beato Papa Juan Pablo II durante beatificacion di Papa Juan Pablo II aña pasa riba 1 di mei 2011.

Tin e intencion pa involvi tur habitante di Rondweg den e actividadnan y tambe e pueblo di

Aruba en general cu kier duna nan aporte. Lo tin un siman completo di actividad manera nochi di poesia y teatro, nochi hubentud, nochi di scolnan di Dakota, nochi di parokianonan di Aruba y nochi di cultura cu musica.

Actualmente e comision di habitantenan di Rondweg ta wordo informa di e cambio cu lo tuma lugar. Y nan lo haya un pakete di informacion encuanto Papa Juan Pablo II. Tambe nan lo haya material pa decora nan cas riba 22 di october.

Beatificacion dia Papa Juan Pablo II cu lo wordo canta na Papiamento.

Y ta bao di encargo di sra. Maybeline Arends-Croes. Mientras cu e procesion ta pasa den avenida, e Letania di Papa Juan Pablo II lo wordo canta na Papiamento pa tur hende.

Sr. Robert Jeandor tin e encargo pa composita y aregla e musica di e Letania riba un ritmo Caribense. Tur hende na Aruba cu kier aporta sea cu arte, musica, material y contribucion financiero ta bon-bini. Henter pueblo di Aruba ta invita pa participa



Dia 22 di october lo tin e desvelo di e Avenida dor di Gobierno di Aruba. Monseñor Luis Antonio Secco a confirma su presencia riba e dia aki. E intencion ta cu nos Prome Ministro, Obispo y un habitante di Rondweg lo hiba palabra.

Despues di e desvelo lo sigui cu un procesion cu lo sali for di comienso di e avenida pabao di Aruba Trading bieu y lo termina na fin di e avenida pabao di Brenchi bieu. Y aki lo sigui cu un nochi cultural.

Tur grupo uniforma, grupo di oracion, hobennan, grupo deportivo cultural cu ta desea di participa den e procesion ta bon-bini. Durante di e inauguracion lo toca himno di Aruba, himno di Vaticano y Himno di

n'e acto di inauguracion aki. Lo cuminsa tin un triduo riba e dianan 18, 19 y 20 di october. Y riba diadomingo 21 di october pa 6 ór di atardi lo tin un Santo Sacrificio di Misa pa resa pa canoninacion di Papa Juan Pablo II.

Y manera tur hende sa cada celebracion tin su gastonan y p'e motibo aki lo organisa diferente actividad pa recauda fondo pa realisa e celebracion aki.

E prome actividad di recaudacion lo ta diabierna 7 di september pa 8 ór den Cas di Cultura. Unda lo pasa un pelicula riba bida di Papa Juan Pablo II. Tambe lo tin un T-shirt di Papa Juan Pablo II na benta desde dialuna 30 di juli 2012 na Parokia Birgen di Fatima.

